




JSC ENERGO-PRO GEORGIA  
19 Zurab Anjaparidze street  
0186 Tbilisi, Georgia

სს „ენერგო-პრო ჯორჯია“  
წმრ.აბ ანჯაპარიძის ქ.19  
0186 თბილისი, საქართველო



საქართველოს გარემოს დაცვისა და  
სოფლის მეურნეობის მინისტრს  
ბატონ ლევან დავითაშვილს  
მის.: ქ. თბილისი, მარშალ გელოვანის 6.

ბატონო ლევან,

გაცნობებთ, რომ სს „ენერგო-პრო ჯორჯიას“ მიერ ქ. ფოთის ელექტრომომარაგების საიმედოობის გაზრდის მიზნით იგეგმება 110 კვ ძაბვის საჰაერო ელექტროგადამცემი ხაზის - „ჭალადიდის“ გაორჯაჭვიანება.

საქართველოს კანონი „გარემოსდაცვითი შეფასების კოდექსის“ მე-5 მუხლის მე-12 ნაწილის თანახმად „გარემოსდაცვითი გადაწყვეტილებით გათვალისწინებული საქმიანობის საწარმოო ტექნოლოგიის განსხვავებული ტექნოლოგიით შეცვლა ან/და ექსპლუატაციის პირობების შეცვლა, მათ შორის, წარმადობის გაზრდა, ამ კოდექსით განსაზღვრული სკრინინგის პროცედურისადმი დაქვემდებარებულ საქმიანობად მიიჩნევა“.

ზემოაღნიშნულიდან გამომდინარე სს „ენერგო-პრო ჯორჯიამ“ საქართველოს გარემოს დაცვისა და სოფლის მეურნეობის სამინისტროში წარადგინა „110 კვ ძაბვის ეგზ „ჭალადიდის“ გაორჯაჭვიანების პროექტის სკრინინგის ანგარიში“.

საქართველოს გარემოს დაცვისა და სოფლის მეურნეობის მინისტრის 2019 წლის 8 ნოემბრის №2-1070 ბრძანების თანახმად დაგეგმილი საქმიანობა დაექვემდებარა გარემოზე ზემოქმედების შეფასებას.

აღნიშნული ბრძანების შესაბამისად სს „ენერგო-პრო ჯორჯია“ ვალდებულია უზრუნველყოს საქართველოს კანონის „გარემოსდაცვითი შეფასების კოდექსის“ მე-8 მუხლით დადგენილი სკოპინგის პროცედურის გავლა.

ზემოაღნიშნულიდან გამომდინარე წარმოგიდგენთ 110 კვ ძაბვის ეგზ „ჭალადიდის“ გაორჯაჭვიანების პროექტის სკოპინგის ანგარიშს.

აქვე გვინდა გაცნობოთ, რომ სკრინინგის განცხადებაში მოცემული საყრდენების ნუმერაციის სკოპინგის ანგარიშში ცვლილება განპირობებულია, კომპანიაში განხორციელებული ახალი შიდა ინვენტარიზაციით, რომლის დროსაც ეგზ-ს უკეთესი მართვა/ექსპლუატაციისათვის მოხდა საყრდენების ნუმერაციის დაზუსტება და გადანომრა.

რაც შეეხება სკრინინგის განცხადებაში მოცემული გასაორჯაჭვიანებელი ეგზ-ს ტრასის მანძილის სკოპინგის ეტაპზე ცვლილებას, განპირობებულია ეგზ ჭალადიდის #150 (სკრინინგის განცხადების ნუმერაციით #1/154) საყრდენის გაუქმებით, საიდანაც იწყებოდა ეგზ-ს გაორჯაჭვიანება სკრინინგის განცხადების თანახმად. კომპანიაში განხორციელებული საპროექტო ცვლილებები ემსახურება ეგზ-ს ტრასის გაუმჯობესებას როგორც შემდგომში მართვა/ექსპლუატაციის მიზნით, ასევე დაქსელვის ხარისხის გაზრდის ხარჯზე საყრდენების შემცირებას, რაც ამცირებს გარემოზე უარყოფითი ზემოქმედებას. ცვლილებების შედეგად ქვ/ს „ფოთი 4“-ის ქვ/ს „ფოთი 2“-თან დამაკავშირებელი 110 კვ ძაბვის ეგზ-ს გაორჯაჭვიანება მოხდება 110 კვ ძაბვის „ჭალადიდის“ ეგზ-ს #151-ე საყრდენიდან, რამაც სკრინინგის განცხადებაში მოცემული მანძილი 2,114მ შეამცირა და შეადგინა 1,992 მეტრი.



სკოპინგის ანგარიშში ასევე მოცემულია სარეკონსტრუქციო ეგზ-ის ტრასის სრული სიგრძე, რომელიც შეადგენს 2,294 მეტრს და მანძილის ათვლა დაწყებულია ერთჯაჭვიანი #149 საყრდენიდან, რომელიც #149ა საყრდენის გავლით უერთდება #151 საყრდენს, საიდანაც 110 კვ ეგზ „ჭალადიდი“ ორჯაჭვიანდება „ფოთი 4“-ის ქვ/ს „ფოთი 2“-თან დამაკავშირებელ ეგზ-სთან.

ამასთან სკოპინგის ანგარიშის 4.20 სურათზე მოცემულია 110 კვ ძაბვის ეგზ „ჭალადიდის“ გაორჯაჭვიანების ტრასის გეგმა, სადაც წამოდგენილია გასაორჯაჭვიანებელი, სარეკონსტრუქციო და გასაუქმებელი საყრდენები კოორდინატებით. პიკეტაჟებით და საყრდენებს შორის მანძილებით.

დანართი CD დისკზე:

- 110 კვ ძაბვის ეგზ „ჭალადიდის“ გაორჯაჭვიანების პროექტის სკოპინგის ანგარიში;
- საყრდენების კოორდინატები (Shp ფაილები).

პატივისცემით,

მიხეილ ზოცვაძე  
გენერალური დირექტორი

შემსრულებელი: ლევან იოსელიანი /ტელ: 577 35 13 97

| TEL: 2-47-17-07 | Email: [Info@Energo-pro.ge](mailto:Info@Energo-pro.ge) | Internet: [www.energo-pro.ge](http://www.energo-pro.ge) | სარ. კოდი: 205169066